



Amer Halep, suspendirani član IO NSBiH

Troškovi Sent Luisa su preglomazno prikazani

Vjerujem u istražne organe BiH, zato sam sve i prijavio, kaže Halep

Bivši član Izvršnog odbora Nogometnog saveza BiH Amer Halep tvrdi da je upozoravao na nepravilnosti u radu čelnika Saveza, zbog čega je na kraju suspendiran te mu je zabranjeno obavljanje aktivnosti u nogometu u trajanju od šest mjeseci.

Anonimne prijave

Najnovije istražne aktivnosti Državne agencije za istragu i zaštitu (SIPA) u NSBiH nisu iznenadile Halepa jer je, kako kaže, nakon njegove i još nekoliko anonimnih krivičnih prijava protiv čelnika Saveza to i očekivao.

-Ja sam, kako sam i najavio, zbog nezakonitih radnji u NSBiH podnio krivične prijave tužilaštvima BiH i Kantona Sarajevo protiv predsjednika Elvedina Begića i generalnog sekretara Jasmina Bakovića nakon što nisu ništa poduzeli da to spriječe i zaustave.



Halep: Podnio krivičnu prijavu

Suspenzija mi je namontirana i nastavljen je pritisak na mene na sve moguće načine, čak i putem lokalnih političara. Vjerujem u istražne organe BiH, inače ne bih podnio krivičnu prijavu - kaže Halep.

Prema njegovim riječima, sve je počelo neza-

konitom organizacijom odlaska na utakmicu između Argentine i BiH u Sent Luisu.

Preveliki troškovi

Kako Halep navodi, svi troškovi su bili preglomazno prikazivani, bez ikakvog objašnjenja na Izvršnom odboru NSBiH.

Prijeteće poruke

On tvrdi da je poslije putem SMS-a dobivao prijeteće poruke njemu i porodici.

- Osim mene, i članovi Izvršnog odbora NSBiH Ibrahim Adilagić iz Cazina i Senad Islam iz Goražda dobili su prijetnje - kaže Halep, koji je našem novinaru pokazao jedan od dobivenih SMS-ova od nepoznatog pošiljaoca i s nepoznatog broja.



- Mnogo je nezakonitih radnji urađeno, počevši od potpisivanja štetnih sponzorskih ugovora, prikazivanja lažnih troškova putovanja, do fakturisanja i do tri puta višeg iznosa pojedinih finansijskih stavki. Tako je samo odlazak na utakmicu protiv Argentine koštao više od 10.000 KM po osobi, a na Izvršnom odboru je rečeno da sve troškove snosi organizator utakmice - navodi Halep.

S.PINJO

NS/FS BiH

3.B. OSTVARENI TROŠKOVI REPREZENTATIVNIH SELEKCIJA

Red. br.	SELEKCIJA „A“ UTAKMICA	PUTNI TROŠKOVI	TROŠKOVI SMJEŠTAJA	ZAKUP STADIONA	TROŠKOVI OBEZBJED.	OSTALI TROŠKOVI	UKUPNO
1	2	3	4	5	6	7	8=3+4+5+6+7
1.	Slovenija - BiH 06.02.2013.	39.300	9.500	--	--	4.400	53.200
2.	BiH - Grčka 22.03.2013.	52.100	45.500	21.500	56.000	38.300	213.400
3.	Latvija - BiH 07.06.2013	163.800	90.700	4.000	--	40.200	298.700
4.	BiH - SAD 14.08.2013.	42.900	51.100	15.500	65.000	13.800	188.300
5.	BiH - Slovačka 06.09.2013.	57.800	66.500	30.000	57.400	9.100	220.800
6.	Slovačka - BiH 10.09.2013.	106.600	51.800	4.000	--	2.500	164.900
7.	BiH - Lihtenštajn 11.10.2013.	27.500	65.400	31.200	56.800	12.300	193.200
8.	Litvanija - BiH 15.10.2013.	163.900	78.800	4.000	--	52.500	299.200
9.	Argentina - BiH 18.11.2013.	354.400	67.600	--	--	3.300	425.300
	UKUPNO	1.008.300	526.900	110.200	235.200	176.400	2.057.000

Faksimil troškova smještaja u Sent Luisu koji su iznosili blizu 70.000 KM